



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj:
Sarajevo, __. __. 2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj __. __. 2022. godine, primilo je k znanju

Informaciju o realizaciji projekta izgradnje biciklističkih staza na području Grada Sarajeva

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O REALIZACIJI PROJEKTA IZGRADNJE BICIKLISTIČKIH STAZA
NA PODRUČJU GRADA SARAJEVA

Predlagač: Gradonačelnica

Obradivač: Služba za urbano planiranje, investicije,
stambene i komunalne poslove

Sarajevo, mart 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Uvod

Ulaganjem u izgradnju biciklističke infrastrukture i povećanjem svijesti građana o mogućnostima korištenja energetske, ekološke i finansijski prihvatljivijih oblika transporta, urbani biciklizam u gradu Sarajevu kao sredstvo prijevoza i rekreacije konstantno bilježi pozitivan razvojni trend. Obzirom da je biciklistička staza najkvalitetnije infrastrukturno rješenje za bicikliste, prvenstveno sa aspekta sigurnosti, jer fizički odvaja bicikliste od ostatka saobraćaja, Grad Sarajevo kontinuirano radi na planiranju i izgradnji biciklističke infrastrukture u cilju uspostavljanja mreže biciklističkih staza na području grada, ali i biciklističkim povezivanjem Grada Sarajeva sa drugim vangradskim lokalnim zajednicama.

Projekat biciklističke staze Nedžarići – Skenderija

Projekat izgradnje biciklističke staze Nedžarići – Skenderija je kapitalni višegodišnjih projekata Grada Sarajeva koji se realizuje fazno po poddionicama, dinamikom koja je uslovljena pribavljanjem saglasnosti nadležnih institucija i izdavanjem odobrenja od gradskih općina. Projekat se izvodi na osnovu Glavnog izvedbenog projekta biciklističke staze Nedžarići – Skenderija urađenog od Instituta za arhitekturu pri Arhitektonskom fakultetu u Sarajevu, na osnovu kojeg je do sada je na području općina Novo Sarajevo i Novi Grad izgrađeno cca 10 km biciklističke staze.

Grad Sarajevo kao Investitor radova trenutno realizuje ugovor za izgradnju biciklističke staze na području općine Novo Sarajevo od III do VI transverzale sa Izvođačem radova Bosman d.o.o. Ovi radovi u 2021. godini izvršeni su do završetka građevinske sezone (segment od Hoše Comerca do „Vjetrenjače“ na Čengić Vili) te se nastavljaju u građevinskoj sezoni 2022. godini kada se i očekuje završetak radova na ovoj poddionici (od „Vjetrenjače“ na Čengić Vili do Otoke i od Otoke do mosta Malezijsko-bosanskog prijateljstva te ulice Aleja Lipa).

Planirana dinamika radova je takva da se prvo izvode građevinski radovi na iskopima, postavljanju ivičnjaka i asfaltiranju staze, a zatim se po završetku svih građevinskih radova izvodi saobraćajna signalizacija koja podrazumijeva i farbanje biciklističke staze. Bitno je napomenuti da su se radovi u 2021. godini na ovoj poddionici odvijali usporenom dinamikom, jer su bili uslovljeni radovima na polaganju glavnog gradskog potisnog vodovodnog cjevovoda koje izvodio KJKP „VIK“ Sarajevo, a što je i bio razlog probijanja roka za završetak istih.

Za dio biciklističke staze koja prolazi kroz općinu Novi Grad, od mosta Bosansko-malezijskog prijateljstva, ulicom Antuna Branka Šimića do granice sa općinom Novo Sarajevo, početkom 2022. godine raspisana je javna nabavka za odabir najpovoljnijeg ponuđača za izvođenje radova. Završetkom ove poddionice stvoriti će se uslovi za kontinuiranu biciklističku stazu na pravcu prema centru grada. Očekujemo da se radovi završe krajem građevinske sezone u 2022. godini.

Aktivnosti na stvaranju uslova za nastavak izgradnje biciklističke staze na poddionici od I transverzale (Wilsonovo šetalište) do Skenderije odvijaju se usporenom dinamikom zbog nepostojanja planske dokumentacije na području na kojem je planirana trasa biciklističke staze.

U sklopu investicionog održavanja u 2022. godini već izgrađenih biciklističkih staza na području grada Sarajeva planirano je da se izvrši obnova saobraćajne signalizacije koja podrazumijeva i mjestimično farbanje biciklističke staze i prelaza biciklističkih staza preko saobraćajnica.

Projekat biciklističke staze Sarajevo – Pale

Početakom 2021. godine Grad Sarajevo je potpisao Memorandum o međusobnoj saradnji na realizaciji projekta izgradnje biciklističke staze Sarajevo – Pale trasom stare željezničke pruge sa Gradom Istočno Sarajevo, Opštinom Istočni Stari Grad, Opštinom Pale i Općinom Stari Grad. U realizaciju projekta kao podrška u koordinaciji i realizaciji uključio se GIZ (Deutsche Gesellschaft für Internationale Zusammenarbeit GmbH) i Delegacija evropske unije u BiH.

U sklopu zajedničkih aktivnosti izrađena je Studija izvodljivosti biciklističke staze na ovo dionici od strane Ekonomskog instituta Sarajevo. Studija je pokazala opravdanost izgradnje ovakve biciklističke staze i dala osnovne smjernice za daljnju realizaciju ovog projekta. Također, kao rezultat zajedničke saradnje napravljen je Projektni zadatak koji je definisao tražene elementa i nivo izrade projektne dokumentacije.

U augustu 2021. godine potpisan je Sporazum o zajedničkom finansiranju izrade projektne dokumentacije za izradu Idejnog i Glavnog projekta biciklističke staze Pale – Sarajevo sa istim subjektima s kojim je usuglašeno da će svi subjekti jednako učestvovati u finansiranju izrade projektne dokumentacije te da će se provoditi zajednička javna nabavka za izbor projektanta. Procijenjena vrijednost usluge za izradu Idejnog i Glavnog projekta biciklističke staze bila je 150.000,00 KM.

Krajem 2021. godine provedena je procedure zajedničke javne nabavke te je ugovor zaključen sa projektantskom kućom „Radis“ d.o.o. Vrijednost ugovora iznosi 54.000,00 KM.

Nakon što projektant isporuči Idejni, odnosno Glavni projekat, krenut će se u procedure pribavljanja urbanističke saglasnosti, odnosno odobrenja za gradnju.

Planirano je, u skladu sa ranije potpisanim Memorandumom o zajedničkoj saradnji, da finansiranje izgradnje predmetne biciklističke staze vrši Delegacija EU u BiH, koja će u skladu sa svojim procedurama raspisati nabavku za izgradnju biciklističke staze, ali tek nakon dobivanja potrebnih odobrenja za gradnju po ugovorenoj tehničkoj dokumentaciji.

Nastavak realizacije ovog projekta je u 2022. godini.